

**Gipuzkoako Aldizkari Ofiziala****45. zenbakia****Data 2011-03-08****2 orria****3 Gipuzkoako Lurralde Historikoko Xedapen Orokorrak**

GFA-OGASUNA ETA FINANTZAK

**225/2011 FORU AGINDUA, martxoaren 2koa, Zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzen duena.****GIPUZKOAKO FORU ALDUNDIA****OGASUN ETA FINANTZA DEPARTAMENTUA***225/2011 FORU AGINDUA, martxoaren 2koa, Zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzen duena.*

Gipuzkoako zerga araudia Zerga Berezien abenduaren 28ko 38/1992 Legera egokitzen duen martxoaren 30eko 20/1998 Foru Dekretuan eta Zerga Berezien Erregelamenduari buruzko uztailaren 7ko 1165/1995 Errege Dekretuan egindako azken aldaketan ondorioz, xedapen haien garapenari buruzko xedapenak ere aldatu behar dira.

Hori horrela, Zerga berezien zenbait eredu onartu eta zerga horien kudeaketan bete beharreko arau batzuk bateratu eta eguneratzen dituen otsailaren 16ko 113/2009 Foru Agindua erregulazio berrira egokitu behar da, bereziki hainbat operadoreen izen aldaketari, batasun barruko zirkulazioko prozedurei eta horretatik eratorritako betebeharrari dagokienez.

Agiri laguntzailearen orde agiri administratibo elektronikoko bat ezartzearen ondorioz, zirkulazio agiria paperean aurkezteak zekartzan betebeharrak formal ugari desagertu dira. Horrela, batasun barruko zirkulazioan ondorioz gabe geratzen dira etendura erregimenean edo araubidean jasotako agiri laguntzaileen zerrendak, aurretiazko alerta sistema eta hidrokarburoen igorpenari lotutako aurretiazko komunikazio sistema.

Foru aginduaren beste alderdi batzuk ere aldatzen dira, hain zuzen arauzko aldaketekin lotuta daudenak: Ondorioz gabe geratzen dira batasun barruko zirkulazioari buruzko agiriak aurkezteko epeak, 513 eredu (Elektrizitatearen gaineko Zerga. Jardueraren urteko aitortzea) eta ardo alkohola fabrikatzeko 521 eredu (entregatutako lehengaien hiruhilabeteko zerrenda) onartzen dira eta, azkenik, 517 eredu (Fabrikazio zerga bereziak. Marka fiskalen eskaera), 510 eredu (Fabrikazio zerga bereziak. Europar Batasunaren gainerako lurraldeko produktuak jasotzeko eragiketen aitortzea) eta 551 eredu (Fabrikazio zerga bereziak. Luzatutako agiri laguntzaileen eta agiri erraztuen asteko zerrenda) onartzen dira.

Erregelamenduaren egungo idazkeraren arabera, agiri laguntzaileen zerrenden aurkezpena luzatutako agiriarentako bakarrik da derrigorrezkoa, agiri administratibo elektronikokoak betebeharrak horretatik kanpo utzita. Beraz, 552 eredu desagertzen da.

Urte batzuetatik hona zerga bereziei buruzko dokumentazio osoa telematikoki aurkeztea lortzeko hasitako estrategiarekin jarraituz, beste pauso bat ematen da Gipuzkoako Foru Aldundiaren egoitza elektronikoen bidez zerga berezien aitortzen edo komunikazio eredu ugari aurkeztuta eta, kasu batzuetan, bide hori erabilita derrigorrez aurkeztuta, hala jasotzen baitute eredu horiei buruzko araudiak edo Zerga arloko hainbat tramite bide elektronikoz egiteko betebeharrari buruzko azaroaren 24ko 1011/2010 Foru Agindua.

Hori guztia aintzat harturik, eta abenduaren 28ko 20/1998 Foru Dekretuak, Gipuzkoako zerga araudia Zerga Berezien abenduaren 28ko 38/1992 Legera egokitzen duenak, amaierako bigarren xedapenean jasotakoari jarraituz, hau,

**XEDATZEN DUT***Artikulu bakarra. Zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Agindua aldatzea.*

Aldaketa hauek sartzen dira Zerga berezien zenbait eredu onartu eta zerga horien kudeaketan bete beharreko arau batzuk bateratu eta egunean jartzen dituen otsailaren 16ko 113/2009 Foru Aginduan:

*Lehen.* Honela aldatzen dira 1. artikulua 1. apartatuaren seigarren paragrafoa eta 3. apartatua:

«Likidatzen den epealdian fabrikazio zerga bereziei atxikitako produktuen izakinik edo mugimendurik izan ez bada, ez da beharrezkoa izango autolikidazioak aurkeztea. Aurkezpen hori Elektrizitatearen gaineko Zergan eta Hidrokarburoen gaineko Zergan gas naturalari dagokionez zero kuota duen likidazioaldian ere ez da beharrezkoa izango».

«3. Aitortzen telematikoki aurkezteko, Gipuzkoako Foru Aldundiaren egoitza elektronikora jo behar da (<https://www.gfaegoitza.net>), zehazki Gipuzkoataria atalera (Tramiteak eta zerbitzuak Internet bidez).

Horretarako, aplikagarria izango da Zerga arloko hainbat tramite bide elektronikoz egiteko betebeharrari buruzko azaroaren 24ko 1.011/2010 Foru Agindua nortasuna eta aitortzen aurkezpenerako gainerako baldintzak frogatzeko moduari dagokionez jartzen duena».

*Bigarrena.* 1. artikulua 4. apartatuko azken paragrafoa ezabatzen da.

*Hirugarrena.* Honela idatzita geratzen dira 2. artikulua 1., 3. eta 4. apartatuak:

«1. Autolikidazioak osatze aldera, eta aurreko artikuluko 4. apartatua diru sarrera egiteko aipatu den epearen barruan, subjektu pasiboak behartuta daude egindako eragiketak jasotzen dituzten aitortpenak aurkeztera, baita izakinak bakarrik daudenean ere, foru agindu honetan onartzen diren ereduak jarraituta.

Aurrekoa hala izanik ere, Ardoaren eta Edari Hartzituen gaineko Zergen aplikatzen den zerga tasa zero den bitartean, zergari atxikitako produktuak fabrikatzen dituztenek eta produktu horien gordailu fiskalen titularrek urtarril, apiril, uztail eta urriaren lehen hogeita bost egunen barruan aurkeztu behar dute, bulego kudeatzailean, eragiketen aitortpena, eta bertan aurreko hiruhileko naturalean establezimenduan izandako mugimenduak adierazi».

«3. Eragiketen 510 aitortpen eredu hartzaile erregistratuek, noizbehinkako hartzaile erregistratuek, igorpen bermatuen jasotzaile baimenduek eta ordezkari fiskalek baino ez dute aurkeztu behar, eta bertan Europar Batasuneko beste estatu batzuetatik iritsitako produktuen harrerak eta emateak bakarrik adieraziko dira.

4. Artikulu honen 2. apartatua jasotako eredu guztiak Ogasun eta Finantza Departamentuko Zeharkako Zergen Zerbitzuko bulegoetan aurkeztu daitezke paperean edo, bestela, telematikoki foru agindu honek 1. artikulua 3. apartatua jasotakoaren arabera».

*Laugarrena.* Honela idatzita geratzen da 3. artikulua 3. apartatua:

«3. Fabrikazio zerga berezien itzulketak eskaerak, artikulu honetan onartzen diren eredu araberakoak, paperean edo telematikoki aurkeztu daitezke artikulu honetako 2. apartatua aipatutako epeen barruan. Paperezko eredu Ogasun eta Finantza Departamentuko Zeharkako Zergen Zerbitzuan aurkeztuko da. Eredu telematikoa, aldiz, foru agindu honek 1. artikulua 3. apartatua jasotakoaren arabera aurkeztuko da».

*Bosgarrena.* Honela idatzita geratzen da 5. artikulua 3. apartatua:

«3. 504 eredu eskaera Administrazioaren aleaz eta interesatuarenaz osatuta dago, eta paperean aurkeztu daiteke. Eredu hori Ogasun eta Finantza Departamentuko Zeharkako Zergen Zerbitzuko bulegoetan aurkeztuko da, produktuen helmugako tokia Gipuzkoa denean, noizbehinkako hartzaile erregistratuen edo igorpen bermatuen jasotzaile baimenduen kasuan edo, bestela, ordezkari fiskalaren zerga helbidea lurralde horretan kokatuta dagoenean, urrutiko salmenten kasuan. Behin agiriari oniritzia emanda, aipatutako zerbitzuak alea itzuliko dio interesatuari».

*Seigarrena.* Honela idatzita geratzen da 6. artikulua:

«6. artikulua. Zirkulazioan izandako gorabeheren orria.

1. Zerga Berezien Erregelamenduak 16.A).4, 29.3 eta 38.3 artikuluetan jasotakoaren ondorioetarako, 509 eredu – Fabrikazio zerga bereziak. Gorabehera orria– onartzen da, eta foru agindu honen XXVI. eranskin gisa agertzen da.

2. Honako kasu eta epeetan aurkeztu behar da 509 eredu:

a) Zerga Berezien Erregelamenduak 16.A).4 artikuluan aurreikusitako kasuari gagozkiolarik, etendura erregimenean izandako barruko zirkulazio batean fabrikazio zerga bereziei lotutako produktuetan galerak gertatzen direnean, baldin eta galera horiek arauzko portzentajeak aplikatuta ateratzen direnak baino handiagoak badira eta hartzaileak formalizatutako jasotze agiria ikusi ondoren jartzen badira agerian. Irteera lekua Gipuzkoan kokatutako establezimendu bat denean, gorabehera orria Ogasun eta Finantza Departamentuko Zeharkako Zergen Zerbitzuan aurkeztuko da, eta horretarako epea hamabost egun baliouduneko izango da, agiri laguntzailearen 3. alea jasotzen denetik aurrera kontatuta.

b) Zerga Berezien Erregelamenduak 16.a).4 artikuluan aurreikusitako kasu berberari gagozkiolarik, produktuen barruko zirkulazio bat etendura erregimenean izan ondoren, igorleak, produktuak igorri eta hiru hilabeteko epean, agiri laguntzailearen 3. alea jaso ez duenean. Igorpenaren irteera lekua Gipuzkoan kokatutako establezimendu bat denean, gorabehera orria Ogasun eta Finantza Departamentuko Zeharkako Zergen Zerbitzuan aurkeztu behar da, hamabost egun baliouduneko epean, hiru hilabeteko epe hori amaitzen denetik aurrera.

c) Fabrikatik edo gordailu fiskaletik irteerako produktuak, etendura erregimena amaituta baina agiri laguntzaileak babestuta irteerakoak, hartzaileari erabat edo zati batean eman ezin izan zaizkionean Zerga Berezien Erregelamenduak 38.1 artikuluan aipatzen duen kasuan, eta berriro ere irteerako establezimenduan sartzen direnean. Produktuak igortzen dituen establezimenduan berriro sartzen direnean formalizatu behar da gorabehera orria. Irteerako establezimendua Ogasun eta Finantza Departamentuko Zeharkako Zergen Zerbitzuan inskribatuta badago, establezimenduaren titularrak gorabehera orriaren ale bat bidali behar dio zerbitzu horri, produktuak establezimenduan berriro sartu ondorengo hogeita lau orduen barruan.

d) Fabrikatik edo gordailu fiskaletik irteerako produktuak, etendura erregimena amaituta baina agiri laguntzaileak babestuta irteerakoak, hainbat hartzaileari zuzendutakoak izanik, hartzaileei eman beharreko kantitateak aldatzen direnean, Zerga Berezien Erregelamenduak 38.1 artikulua hirugarren paragrafoan jasotakoaren arabera. Hartzaileei emandako produktuen kantitatea aldatu izana erakusten duen agiri laguntzaile bakoitzeko, igorleak gorabehera orri bat formalizatu behar du aldaketa horiek egin ondorengo hogeita lau orduen barruan. Irteerako establezimendua Ogasun eta Finantza Departamentuko Zeharkako Zergen Zerbitzuan inskribatuta badago, establezimendu igorlearen titularrak gorabehera orri bakoitzaren ale bat bidali behar dio zerbitzu horri, epe berean.

e) Zerga tasa murriztua aplikatua duten eta agiri laguntzaile batek babesten dituen produktuen barruko zirkulazio batean hartzailea eta, hala badagokio, helmugako lekua, aldatzen direnean, Zerga Berezien Erregelamenduak 38.2.b) artikuluan jasotakoaren arabera. Igorleak gorabehera orri bat bete beharko du aldaketa horiek egin ondorengo hogeita lau orduen barruan. Irteerako establezimendua Ogasun eta Finantza Departamentuko Zeharkako Zergen Zerbitzuan inskribatuta badago, establezimendu igorlearen titularrak gorabehera orriaren ale bat bidali behar dio zerbitzu horri, epe berean.

f) Etendura erregimenean dauden edo salbuespen kasuetako bat aplikatzen zaien produktuen barruko zirkulazio batean, agiri laguntzailean ageri den hartzailea aldatzen denean, zerga berezien erregelamenduak 38.2.c) artikuluan jasotakoaren arabera. Igorleak gorabehera orri bat bete beharko du aldaketa hori egin ondorengo hogeita lau orduen barruan. Irteerako establezimendua Ogasun eta Finantza Departamentuko Zeharkako Zergen Zerbitzuan inskribatuta badago, establezimendu igorlearen titularrak gorabehera orriaren ale bat bidali behar dio zerbitzu horri, epe berean.

3. Gorabehera orria paperezko euskarrian edo telematikoki aurkeztu daiteke, artikuluko honetako 2. apartatuan adierazitako epeetan, honako prozedurari jarraituta:

a) Paperean aurkeztea aukeratzen bada (paperean aurkeztutako agiri laguntzaileei buruzko gorabehera orrietarako bakarrik gordetako aukera), eredia Administrazioaren aleaz eta interesatuaren aleaz osatuta dago.

Artikulu honen 2. apartatuko a) eta b) paragrafoetan aipatutako kasuetan, paragrafo horietan aipatzen den kudeaketa bulegoan aurkeztu behar dira gorabehera orriak. Behin oniritzia emanda, bulegoak alea itzuliko dio interesatuari.

Artikulu honen 2. apartatuko c), d), e) eta f) paragrafoetan aipatutako kasuetan, interesatuek gorabehera orrien Administrazioarentzako alea bidali behar diote paragrafo horietan aipatzen den kudeaketa bulegoari.

b) Gorabehera orria telematikoki aurkeztea aukeratzen bada, aldiz, foru agindu honen 1. artikuluko 3. apartatuan jasotakoaren arabera egin behar da».

*Zazpigarrena.* Honela idatzita geratzen da 7. artikulua:

«7. artikulua. Agiri laguntzaileen zerrendak.

1. Zerga Berezien Erregelamenduak 29.1 artikuluan ezarritakoaren ondorioetarako, paperezko 551 eredia onartzen da – Fabrikazio zerga bereziak. Asteaz luzaletako agiri laguntzaileen zerrenda–, barruko lurralde eremurako luzaletako agiri laguntzaileen zerrenda eta Batasunaren gainerako lurralde eremurako luzaletako agiri laguntzaile erraztuen zerrenda adierazteko erabili beharrekoa. Foru agindu honen XXVII. eranskin gisa agertzen da. Zerrenda datuei dagokien astearen ondorengoan aurkeztu behar da.

2. Paperezko 511 eredia onartzen da –Fabrikazio zerga bereziak. Zerga tasa murriztuaz bideko salmenten prozeduran igorritako produktuen emate orrien hileko zerrenda–. Foru agindu honen XXIX. eranskinean agertzen da.

Bideko salmenten prozedura erabiliz fabrikatik, gordailu fiskaletatik edo biltegi fiskaletatik produktuak igortzen dituztenek aurkeztu behar dute 511 eredia, betiere zerga horretan tasa murriztua aplikatu badute. Aurkezteko epea bost egun baliodunekoa da, informazioari dagokion hilabetea amaitzen denetik aurrera.

3. Paperezko euskarria edo bide telematikoa erabilia aurkeztu daitezke aurreko apartatuetan aipatu diren zerrendak, baina bakar-bakarrik delako epealdian agiri laguntzaileak luzaletatu edo jaso direnean aurkeztu behar dira.

4. Aurkezpena paperezko euskarrian egitea aukeratzen bada, ereduak bi ale dituzte, Administrazioarena eta interesatuarena. Zerrendak Ogasun eta Finantza Departamentuko Zeharkako Zergen Zerbitzuan aurkeztu behar dira, irteerako establezimendua zerbitzu horretako erregistroan inskribatuta dagoenean. Behin agiriari oniritzia emanda, Ogasun eta Finantza Departamentuko Zeharkako Zergen Zerbitzuak alea itzuliko dio interesatuari.

5. 551 eta 511 ereduak bide telematikoz aurkeztea aukeratzen bada, foru agindu honek 1. artikuluko 3. apartatuan jasotakoaren arabera egin behar da».

*Zortzigarrena.* Honela idatzita geratzen da 9. artikulua:

«9. artikulua. Aitorpen eta komunikazio batzuen aurkezpen telematikoa.

1. Hona hemen bide telematikoz aurkeztu ahal izango diren zerga aitortzenak eta agiriak:

- a) Agiri laguntzaile administratibo eta komertzialak.
- b) Agiri laguntzaile erraztu administratibo eta komertzialak.
- c) Bideko salmenten prozeduraren barruan onartutako entrega orriak.

2. Horretarako, agiri horiek aurkeztera behartutako zergapekoek Gipuzkoako Foru Aldundiko Ogasun eta Finantza Departamentuko web gunera jo behar dute (<https://www.gipuzkoa.net/ogasuna>), eta horren barruan fabrikazio zerga berezien laguntza programaren atalean sartu. Behin laguntza programan exijitutako datuak beteta, bertan emandako jarraibideak bete behar dira, eta aitortpena programa beraren bitartez bidaliko dute».

*Bederatzigarrena.* Honela idatzita geratzen dira 10. artikuluko 1. apartatuko d) letra eta 2. apartatua:

«d) Hidrokarburoen barruko zirkulazioa, etendura erregimenean».

«2. Agiri laguntzailearen datuak telematikoki bidali behar zaizkio Zerga Administrazioari, zirkulazioa hasi aurretik, foru agindu honen 9.2 artikuluan jasotako baldintzetan eta prozeduraren arabera.

Aitortpena errefusatzen bada, aurkitutako akatsak azalduko dira pantailan. Kasu horretan, akatsak sarrerako formularioan konpondu behar dira, edo, bestela, akatsa beste arrazoi batengatik sortzen bada, aurkezpena berriro egin behar da.

Aitortpena bidaltzeko komunikazioa egitea ezinezkoa bada edo datuen bidalketa elektronikoa gauzatzea ezinezkoa izan bada, zergapekoak agiri laguntzailearen kopia bidali behar du kudeaketa bulegora, bidali izana jasota uzteko aukera ematen duen edozein bitarteko erabilia, eta akats mezua kopia edo pantailan agertutako beste baten kopia inprimatua erantsi behar du.

Bidalketa hori aurkezpen telematikarako jarritako epe berdinetan egin behar da.

Agiri laguntzailearen kopia faxez bidaltzeak inoiz ere ez du ordezkaturiko aurkezpen telematikoa, eta azken hori komunikazioa berriro ezartzen denean erabiliko da».

*Hamargarrena.* Azken paragrafo bat gehitzen zaie 11. artikulua 2., 3. eta 4. apartatuei. Hona testua:

2. apartatua: «Era berean, 518 eredu telematikoki aurkeztu daiteke eragiketa hasi baino 24 ordu lehenago, foru agindu honek 1. artikulua 3. apartatua jasotakoaren arabera».

3. apartatua: «Era berean, 519 eredu telematikoki aurkeztu daiteke dena delako gorabehera gertatu eta berehala, foru agindu honek 1. artikulua 3. apartatua jasotakoaren arabera».

4. apartatua: «Era berean, 520 eredu telematikoki aurkeztu daiteke jardura aldia amaitzen den egunean, lan aitortzean edo, hala badagokio, lan eragiketen gorabehera orrian adierazitakoari jarraituz, foru agindu honek 1. artikulua 3. apartatua jasotakoaren arabera».

*Hamaikagarrena.* Honela idatzita geratzen da 14. artikulua 2. apartatuko lehen paragrafoa:

«2. Bide telematikoz aurkeztea aukeratu bada, foru agindu honek 1. artikulua 3. apartatua jasotakoaren arabera egin behar da, berezitasun hauek kontuan hartuta:»

*Hamabigarrena.* 15. artikulua erantsen da. Hona edukia:

«15. artikulua. 513 ereduaren onarpena (Elektrizitatearen gaineko Zerga. Jardueraren urteko aitortze) eta hori aurkezteko epearen eta prozeduraren zehaztapena.

1. Zerga Berezien Erregelamenduak 44.1 artikulua laugarren paragrafoan jasotakoaren ondorioetarako, 513 eredu onartzen da (Elektrizitatearen gaineko Zerga. Jardueraren urteko aitortze). Foru agindu honen XXXIX. eranskinean agertzen da.

2. Elektrizitatearen gaineko Zergaren subjektu pasiboek 513 eredu aurkeztu behar dute, establezimendu bakoitzeko, urte bakoitzeko urtarilaren lehen martxoaren 31ra edo ondorengo lehen egun baliodunera bitartean.

3. Elektrizitatearen gaineko Zergaren subjektu pasiboek 513 ereduaren aurkezpen elektronikoa egin behar dute, foru agindu honen 1. artikulua 3. apartatua jasotakoaren arabera».

*Hamahirugarrena.* 16. artikulua gehitzen da. Hona edukia:

«16. artikulua. 521 ereduaren onarpena (Entregatutako lehengaien hiruhilabeteko zerrenda) eta hori aurkezteko epearen eta prozeduren zehaztapena.

1. Zerga Berezien Erregelamenduak 89. artikulua 4. eta 5. apartatuetan jasotakoaren ondorioetarako, ardo alkoholaren fabrikaziorako 521 eredu onartzen da (Entregatutako lehengaien hiruhilabeteko zerrenda). Foru agindu honen XL. eranskinean agertzen da.

2. 521 eredu aurkeztera behartua egongo dira ardo alkohola fabrikatzeko lehengai diren produktuak gordailatzen dituztenak. Mahats lapak, piketak eta ardo egiteko gainerako hondarrak direnean, eredu horretan sartu behar dira, haien helmuga edozein izanik ere.

Era berean, 521 eredu aurkeztera behartuta egongo dira edozein mota edo jatorritako azukre kristalatuak eta isoglukosa produzitzen dituzten fabrikatzaileak eta melaza biltegizainak, beren fabrika edo biltegietatik izandako melaza edo isoglukosa irteerei dagokienez, horien helmuga edozein izanik ere.

Eredu hori hiruhilabetearen barruan produktuen entregak edo igorpenak egon direnean bakarrik aurkeztu behar da.

3. 521 eredu hiruhilabete natural bakoitza amaitu eta ondorengo lehendabiziko hogeita bost egunen barruan aurkeztu behar da.

4. Paperean edo bide elektronikoz aurkeztu daiteke eredu. Aurkezpen telematikoa aukeratu gero, foru agindu honek 1. artikulua 3. apartatua jasotakoaren arabera egin behar da».

*Hamalagarrena.* IX. eranskina –510 eredu. Fabrikazio zerga bereziak. Europar Batasuneko gainerako lurraldeko produktuak jasotzeko eragiketen aitortze– foru agindu honen I. eranskinarekin ordezkaturik da.

*Hamabosgarrena.* XXIII. eranskina –517 eredu. Fabrikazio zerga bereziak. Marka fiskalen eskaera– foru agindu honen II. eranskinarekin ordezkaturik da.

*Hamaseigarrena.* XXVII. eranskina –551 eredu. Fabrikazio zerga bereziak. Luzatutako agiri laguntzaileen asteko zerrenda– foru agindu honen III. eranskinarekin ordezkaturik da.

*Hamazazpigarrena.* 513 eta 521 ereduak foru agindu honen IV. eta V. eranskinetan jasotzen dira.

*Hemezortzigarrena.* Xedapen gehigarri bat erantsen da, eduki hau duena:

«Xedapen gehigarria. PDF betegarri bidezko aurkezpen elektronikoa.

Ondorengo ereduak elektronikoki aurkeztu daitezke Gipuzkoako Foru Aldundiaren egoitza elektronikoen bidez (<https://www.gfaegoitza.net>; Gipuzkoataria ataleko Tramiteak eta zerbitzuak Internet bidez), egoitza horretan kokatutako PDF betegarriaren formatuan:

506 eredu –Gordailu fiskalean sartzegatik itzulketa eskaera–.

507 eredu –Igorpen bermatuen sistemengatik itzulketa eskaera–.

508 eredu –Urrutiko salmenten sistemengatik itzulketa eskaera–.

509 eredu –Fabrikazio zerga bereziak. Gorabehera orria–.

510 eredu –Europar Batasunaren gainerako lurraldeko produktuak jasotzeko eragiketen aitortze–.

512 eredu –Bigarren tarifako produktuen hartzaileen urteko zerrenda–.

513 eredu –Elektrizitatearen gaineko Zerga. Jardueraren urteko aitortze–.

518 eredia –Lan aitortpena. Alkoholaren eta Edari Deribatuen gaineko Zerga–.

519 eredia –Lan eragiketetako gorabehera orria. Alkoholaren eta Edari Deribatuen gaineko Zerga–.

520 eredia –Lan eragiketetako emaitza orria. Alkoholaren eta Edari Deribatuen gaineko Zerga–.

521 eredia –Entregatutako lehengaien hiruhilabeteko zerrenda–.

524 eredia –Itzulketa eskaera. Alkoholaren eta edari alkoholikoen gaineko zerga bereziak–.

551 eredia –Fabrikazio zerga bereziak. Luzatutako agiri laguntzaileen eta agiri erraztuen asteko zerrenda–.

553 eredia –Ardoaren eta edari hartzituen fabriketan eta gordailu fisikaletan egindako eragiketen aitortpena–.

554 eredia –Alkohol fabriketan eta gordailu fisikaletan egindako eragiketen aitortpena–.

555 eredia –Fabriketan eta gordailu fisikaletan Tarteko Produktuen gaineko Zergarako egindako eragiketen aitortpena–.

557 eredia –Edari deribatuen fabriketan eta gordailu fisikaletan egindako eragiketen aitortpena–.

558 eredia –Garagardo fabriketan eta gordailu fisikaletan egindako eragiketen aitortpena–.

570 eredia –Hidrokarburo fabriketan eta gordailu fisikaletan egindako eragiketen aitortpena–.

572 eredia –Hidrokarburoen gaineko Zergaren itzulketa eskaera–.

580 eredia –Tabako laboreen fabriketan eta gordailu fisikaletan egindako eragiketen aitortpena–.

590 eredia –Esportazio edo igorpenagatiko itzulketa eskaera–.

KUBA eredia. Alkoholaren eta Edari Deribatuen, Tabako Laboreen eta Elektrizitatearen gaineko Zerga Bereziak. Kuota bateratuak banakatzeko aitortpena.

KBBA eredia. Hidrokarburoen gaineko Zerga. Kuota bateratuak banakatzeko aitortpena».

#### AMAIERAKO XEDAPENA

Foru agindu hau Gipuzkoako ALDIZKARI OFIZIALEAN argitaratu eta biharamunean jarriko da indarrean.

Donostia, 2011ko martxoaren 2a.—Pello González Argomaniz, Departamentuko foru diputatua.

(2208) (2663)

#### I ERANSKINA



#### II ERANSKINA



#### III ERANSKINA



#### IV ERANSKINA



#### V ERANSKINA

